

Árvvoštallančilgehus Ohcejoga gieldda váldostivrii jagis 2022

1.1 Dárkkistanlávdegotti barggut

Dárkkistanlávdegoddi fuolaha gieldda hálddahusa ja ekonomiiija dárkkisteami ordnemis. Geldalága 121 § mielde dárkkistanlávdegotti bargun lea:

- válmmaštallat váldostivrra mearrideami várás hálddahusa ja ekonomiiija dárkkisteami guoski áššiid;
- árvvoštallat, leago váldostivrra ásahan doaimma ja ekonomiiija mihttomearit gielddas ja geldakonseartnas ollašuvvan ja leago doaibma ordnejuvvon boaduslaččat ja vuogálaččat;
- árvvoštallat ekonomiiija balanserema ollašuvvama rehketdoallobajis sihke fámus orru ekonomiijaplána doarváivuoda, jos gieldda balánsas lea govččakeahtes vuolláibáza;
- fuolahit gieldda ja dan vuolleservošiid dárkkisteami oktiiheiveheamis;
- bearráigeahččat Geldalága 84 §:s áshuvvon čanolašvuodaid almmuhangeatnegasvuoda čuovvuma ja doalvut almmuhusaid váldostivrii diehtun; ja
- válmmaštallat gielddaráđdehussii evttohusa bargguidis guoski hálddahunjuolggadusa mearrádussan sihke árvvoštallama ja dárkkisteami bušeahttaevttohussan.

Ohcejoga gieldda hálddahunjuolggadusa mielde dárkkistanlávdegoddi berre lassin:

- čuovvut rehketdoallodárkkisteaddji dárkkistanplána ollašuvvama sihke muđui ge čuovvut rehketdoallodárkkisteaddji bargguid čadaheami ja dahkat dárbbu mielde evttohusaid rehketdoallodárkkisteami ovddideami várás
- fuolahit, ahte rehketdoallodárkkisteami várás leat dárbbášlaš resurssat, mat dahket vejolažžan rehketdoallodárkkisteami čadaheami almmolašhálddahusa buori rehketdoallodárkkistanvuogi gáibidan viidodagas
- dahkat álgagiid ja evttohusaid dárkkistanlávdegotti, rehketdoallodárkkisteaddji ja siskkáldas dárkkisteami bargguid oktiiheiveheamis nu vuogálaččat go vejolaš.

Árvvoštallama bohtosat raporterejuvvojit jahkásaččat árvvoštallančilgehusas, mii addojuvvo váldostivrii. Ovdal árvvoštallančilgehusa gárváneami dárkkistanlávdegoddi sáhtta addit váldostivrii daid čilgehusaid, maid oaidná dárbbášlažžan. Dárkkistanlávdegoddi sáhtta reporteret rehketdoallobaji áigge váldostivrii maidái eará mearkkašahtti fuomášumiin.

1.2 Dárkkistanlávdegotti čoahkku

Fásta lahttu

Ismo Manninen, sd.

Niila Laiti, vsd.

Eeva Nuorgam

Várrelahttu

Osmo Roivas

Anni-Sofia Niittyvuopio

Jouni Esa Nousuniemi

Easttalašvuodat leat váldon vuhtii dárkkistanlávdegotti barggus.

2.1 Jagi 2021 árvvoštallančilgehusa gieđahallan

Váldostivra gieđahalai jagi 2021 árvvoštallančilgehusa 21.6.2022 § 34. Váldostivra merkii árvvoštallančilgehusa diehtun.

3.1 Gieldda ekonomiija

Rehketdoallobaji 2022 rehketdoalloloahpahus lei 313 955 euro vuollebázalaš. Govččakeahtes vuolláibáza ii lean, baicce gieldda čoggon badjebáza lei rehketdoallobaji loahpas 4 944 482 euro. Gieldda loanat geahppánedje 5 163 euroin. Gieldakonseartna badjebáza lei 217 398 euro ja čoggon badjebáza balánsas 3 348 185 euro. Konseartna loanat lassánedje 465 103 euroin. Gieldda loanat ja láigoovddasvástádusat ledje rehketdoallobaji loahpas 9 617 €/ássi go konseartnas seamma dovddaldatlohku lei 12 195 €/ássi. Ollesloatnamearri gielddas lei 11 320 000 euro.

Bušeahttaevttohusas jahkái 2022 leat hálddahusgottiid mielde meroštallon boadussuorggit, maid bušeahttaevttohus lea váldostivrra ektui čadni boaduid ja manuid erohusa dahjege doaibmagovčču oasil. Mearkkašahtti badjelmannan bušeahttaevttohusas lei tehnikkalaš doaimma suorggis 216 911 euro, mii vástidii 45 % rievdaduvvon bušeahttaevttohusas. Mearkkašahtti badjelmannan bušeahttaevttohusas lei maiddái vuodđodorvolávdegotti vuolde doaibmi sierrabuohccedivššu bargosuorggi doaibmagovččus 167 duhát euro (11 %).

3.2 Mihttomeriid ollašuvvama árvvoštallan

Dárkkistanlávdegoddi lea mannan čađa geavahanekonomiija doaibmamihttomeriid ollašumiid doaibmasektoriid mielde. Ollašumiid raporterin lea rehketdoalloloahpahusas valjis ja eanaš čielggas sihke systemáhtalaš. Guhtege doaibmasektorii leat mihttomeriid bidjamis meroštallon iežas árvvoštallankriteraid mihttárat ja guhtege mihttárii mihttomearit.

DOAIBMASUORGI	DOAIBMAMIHTTOMERIID OLLAŠUVVAN
Gielddaráđdehus	
Almmolašhálddahuš	Doaibmamihttomearit ollašuvve eanaš. Priváhta viessohuksema oasil doaimmat eai leat ožžon áigái ođđa viesuid huksema jagi áigge. lige maiddái gieldda giddodatfitnodaga ekonomalaš dilli leat dahkan vejolažžan ođđa báikkiid plánema.
Eallinfápmolávdegoddi	
Ealáhus- ja eanadoallodoaibma	Mihttomearit eanaš ollašuvvan.
Vuodđodorvolávdegoddi	

Sosiála- ja dearvasvuodadoaimma hálldahus	Mihttomearit eanaš ollašuvvan. Lea leamaš hástaleaddji oažžut sámegielat bargiid. Rabas báikkiide eai dábálaččat leamaš ohccit.
Sosiáladoaibma	Mihttomearit ollašuvve.
Rabasbálvalusat	Ahkeolbmuid bálvalusaid ovddideami sihke lagašdikšáriid odđa doaimmaid vuodđudeami oasil mihttomearit eai eanaš ollašuvvan.
Dearvasvuodadikšun	Mihttomearit ollašuvve.
Lágádusdikšun	Mihttomearit eanaš ollašuvvan.
Vuodđodearvasvuodafuolahus	Mihttomearit ollašuvve muhtun oassái. Gozihanfitnamat eai geahppánan ja dikšunbálgáid doaibmamáliid projeakta lei 2022 loahpas gaskan.
Spešiálabuohccedikšun	Mihttomearit ollašuvve.
Bátnefuolahus	Mihttomearit eanaš ollašuvvan.
Birasdearvasvuodafuolahus	Mihttomearit ollašuvve.
Čuvgehuslávdegoddi	
Árramánnavuodabajásgeassin	Ollašuvve muhtun oassái. Buot beaiveruoktojoavkkuin ii vel árramánnavuodabajásgeassima oahpaheaddji.
Vuodđooahpahus	Mihttomearit ollašuvve.
Girjerádjodoaibma	Mihttomearit ollašuvve.
Asttuáiggedoaibma	Eai mihttomearit meroštallon.
Lihkadan- ja nuoraiddoaibma	Mihttomearit ollašuvve.
Rávesolbmuidskuvla	Mihttomearit eai ollašuvvan. Oahpahusfálaldat ii fitnašuvvan buot giliide jodiheaddjiid váiluma geažil. Gáiddusoahpahusa álggaheapmi vel plánenmuttus.
Teknikkalaš lávdegoddi	
Teknikkalaš lávdegotti doaibmasuorggit oktiibuot	Mihttomearit ollašuvve muhtun oassái. - Huksenlobiid elektriikkalaš arkiiva ii leat ovdánan - Bargiiguin eai leat čadahuvon ovddidanságastallamat - Bargoergonomiijakárten ii dahkkon - Giellalága gáibidan sámegielat oahpistangalbbaid oasil mihttomearri ii leat ollašuvvan

3.3 Gieldakonserdnii gullevaš servošiid árvvoštallon

Konseartna mihttomearit eai leat lasihuvvon bušeahttaevttohussii ja -plánii. Danin go mihttomearit eai leat lasihuvvon bušeahttaevttohussii, de ii dain leat sáhttn maidái

raporteret rehketdoalloloahpahusas. Dárkkistanlávdegoddi bivdá dás ovddos váldit vuhtii maid konseardnafitnodagaid bušeahttaevttohusásaheamis.

Kiinteistö Oy Ringinvatro boadus lei rehketdoallobajis 2022 vuittolaš 64 283,77 euro. ležas kapitála loktanii dan oktavuodas 468 024,30 euroi. Loanaid mearri, mas mielde maddái kapitálaloatna, lei rehketdoallobaji loahpas 1 473 637,73 euro. Dárkkistanlávdegoddi gávnna, ahte fitnodagas leat čadahuvvon energijaseastindoaimmat.

Kiinteistö Oy Utsjoen Virastotalo boadus lei rehketdoallobajis 2022 táhpalaš 24 283,89 euro. ležas kapitála seailui goit nanusin ja lei rehketdoallobaji loahpas 1 006 452,86 euro. Loanat fitnodagas ledje jagi 2022 loahpas 57 894,72 euro.

4.1 Dárkkistanlávdegoddi čoaikkáigeassu ja vuolláičállosat

Dárkkistanlávdegoddi evttoha čoaikkáigeassun, ahte doaibmamihttomeriid raporteran lea rehketdoalloloahpahusas čielggas ja systemáhtalaš.

Dárkkistanlávdegoddi bivdá váldit vuhtii, ahte bušeahttaevttohusas eai leat sierra biddjon mihttomearit konseardnafitnodagaide.

Ohcejoga gielda doaibmamihttomearit ollašuvve eanaš nu mo ledje plánejuvvon. Ekonomiija ollašumiid oasil Teknihkalaš lávdegoddi čadni doaibmagovčču ollašupmi manai rievdaduvvon bušeahttaevttohusa badjel 216 911 euroin. Spiehkaseapmi lea 45 % bušeahttaevttohusas. Vuodđodorvolávdegoddi vuolde doaibmi sierrabuohccedivššu bargosuorggi doaibmagovččus lei 167 duhát euro badjelmannan. Spiehkaseapmi lea (11 %) bušeahtas.

Dárkkistanlávdegoddi mielas lea buorre, ahte gielda vuosttas eanapolitihkalaš prográmma lea geavahusas.

Rehketdoallodárkkisteaddji lea addán 9.6.2023 rehketdoallodárkkistančilgehusa jagis 2022. Rehketdoallodárkkisteaddji lea evttohan rehketdoalloloahpahusa 2022 dohkkeheami. Rehketdoallodárkkisteaddji lea evttohan vástufriijavuoda miediheami čilgengeatnegasaide jagi 2022 oasil dainna eavttuin, ahte váldostivra dohkkeha dárkkisteami boadusin máinnašuvvon bušeahttaspiehkkaseamiid. Dárkkistanlávdegoddi guorrasa rehketdoallodárkkisteaddji evttohussii.

Ohcejogas 9. beaivve geassemánu 2023

Ismo Manninen
ságadoalli

Niila Laiti
várreságadoalli

Eeva Nuorgam
fásta lahttu